



CENTRALE BANK VAN ARUBA

**CONSUMIDOR MENOS PESIMISTA DEN E DI TERCER TRIMESTER DI 2022, PA
PROMER BIAHA DESDE E DI DOS TRIMESTER DI 2021.
PRIJS HALTO SI TA KEDA UN PREOCUPACION GRANDI**

Comunicado di prensa¹

Resultado pa e di tercer trimestre di 2022

Consumidornan a bira menos pesimista, mirando cu e confiansa di consumidor a subi cu 0,8 punto di indice te na 93,8 den e di tercer trimestre di 2022 (Grafiek 1)².


Na final di e di tercer trimestre, consumidornan tabata principalmente preocupa cu (i) e situation di negoshinan y di economia lo deteriora (Q3-2022: 69 por ciento, Q2-2022: 75 por ciento) y (ii) e posicion financiero di gobierno lo empeora (Q3-2022: 58 por ciento, Q2-2022: 60 por ciento). Mas o menos 93 por ciento di respondentenan a raporta cu nan ta premira cu prijsnan lo ta mas halto den e proximo 6 lunanan (Q2-2022: 97 por ciento). Casi mitar di respondentenan ta pensa ainda cu haña un trabou nobo ta mas dificil, esta 7 punto di porcentahe menos compara cu e trimestre anterior (Q2-2022: 55 por ciento). Ademá, 33 por ciento di respondentenan ta premira cu na cas nan situation financiero lo deteriora, esta 13 punto di porcentahe menos compara cu e trimestre anterior (Q2-2022: 46 por ciento).

Tanto e indice di expectativa como e indice di e situacion actual a subi, esta cu 0,8 punto di indice te na 94,0 y cu 0,5 punto di indice te na 93,2, respectivamente, den e di tercer trimestre di 2022. E cantidad di respondentenan cu a raporta cu compra di un auto no tabata conviniente a baha na 57 por ciento den e tercer trimestre di 2022, mientras cu 53 por ciento a indica cu haci un prestamo no tabata adecua (Q2-2022: 67 por ciento). Tambe, 54 por ciento di respondentenan a indica cu tuma un hipoteca no tabata adecua (Q2-2022: 58 por ciento). Pa locual ta baymento cu vakantie 40 por ciento di respondentenan a raporta cu esaki no tabata conviniente (Q2-2022: 50 por ciento). Consecuentemente, e indice di habito di consumidor a crece di 93,8 den e segundo trimestre di 2022 te na 94,8 den e di tercer trimestre di 2022.

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan.

Grafiek 1: Indice di Confianza di Consumidor



Fuente: Banco Central di Aruba

Informacion adicional riba e encuesta di confiansa di consumidor ta disponibel riba website di CBA (<https://www.cbaruba.org/>).

Banco Central di Aruba
8 februari 2023

Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante Banco Central di Aruba, por bishita su website www.cbaruba.org
